

**Абусаид Абулхайр
(967—1049)**

Абусаид Фазлуллоҳ ибн Абулхайр Муҳаммад ибн Аҳмад Майҳаний Хуросондаги Ховарон вилоятининг Майҳана қишлоғида туғилган. Султон ул-орифин — Орифлар султони деган шарафли увонга сазовор бўлган бу улуғ инсон Абусаид Абулхайр, Шайх Абусаид Майҳаний номлари билан мусулмон оламида шухрат қозонган.

«Кутби олам Абусаид Абулхайр қаддасаллоҳу сирриҳу барча акобир ва машойихлар қалбининг подшоҳи эди. Бу дунёда ҳеч кимдан бу қадар кўп каромату риёзат нақл бўлган эмас. У — фонийи мутлақ, у — боқийи барҳақ, у — илохий маҳбуб, у — ниҳоятсиз маъшуқ, у — мамлакат нозанини¹, у — маърифат бўстони, у — фалакни сайр этувчи арш»², — деб васф этган эди уни Фаридиддин Аттор «Тазкират ул-авлиё» асарида. Алишер Навоий «Насойим ул-муҳаббат»да бу таърифни давом эттириб, уни «шариат султони», «тариқат султони», «замона султони», «тариқат аҳлиниңг ҳусни», «қулуб муширифи», яъни «қалбларни ўзига қаратган зот» каби сифатлар билан улуғлайди. Унинг замонида барча машойих Абусаидга тобе эдилар, дейди.

Нақл қилишларича, Абусаид Абулхайр нафақат донишманд, балки яхшигина табъи назми бор, ўзи дилкаш ва суҳбати хузурбахш киши бўлган. Эронда унинг 720 рубоийси ва пароканда шеърларини ўз ичига олган «Суханони манзуми Абусаид Абулхайр» тўплами³ ҳамда шайхнинг сўзлари ва ҳолатлари баёни, у ҳақдаги ҳикоятлар асосида тартиб берилган «Асрор ут-тавҳид»⁴ номли маноқиб нашр этилган. Ҳусусан:

Ҳавро ба назораи нигорам саф зад,
Ризвон ба ажаб бимонду каф бар каф зад.
Он холи сияҳ бар он рух мутраф зад,
Абдол зи бим чанг дар Мусҳаф зад⁵,

рубоийси шоирга фавқулодда шухрат келтириб, унга бағишилаб 5 та рисола ёзилган⁶.

Бу рубоийни соҳибқирон Амир Темур ҳам ёд билган. Абусаид Абулхайрга «қабул назари» Шайх Абулқосим Бишр Ёсиндан тушган: у Абусаиднинг келажагини башорат қилиб, «олам аниңг била тирилгусидур»⁷, деган эди.

Сўнг Сарахса Шайх Абулфазл Ҳасан Сарахсийга мурид бўлиб, ундан тариқат одобини ўрганади. Устозининг даъватига кўра Нишопурга бориб, ўз даврининг машҳур олими Абдураҳмон Суламий кўлида диний илмларини камолга етказиб, иршод даражасини олади. У шайхлик хирқасини Шайх Абулабbos Қассоб Омулий кўлида кияди.

Тасаввуфга оид манбаларда Абусаид Абулхайр тариқатга шеъриятни омухта этган шайх сифатида тилга олинади. Сўфиёна рояларни акс эттирган илк қитъя ва рубоийлар ҳам унинг қаламига мансуб. Шундан келиб чиқиб айтиш мумкинки, тариқат шайхларининг шеъриятга мурожаат қилиши Абусаид Абулхайрдан бошланган. У ўзидан кейинги тасаввуф адабиётига катта таъсир ўтказган.

Илохий ишқ васфи, эзгулик ва эзгу амаллар, яхши ахлоқ тарғиби, вафо ва садоқат, ҳижрон туйғулари, замонадан ва нафсдан шикоят ва бошқа мавзулар Абусаид Абулхайр рубоийларининг асосини ташкил этади.

Бу намуналар, аввало, жозиб оҳанги, шавқингез руҳи ва латиф маъноси билан кишини ўзига тортади. Улар халқ оғзаки ижодига яқин, равон ва енгил услубда ёзилган. Лекин ўзида тасаввуфнинг кўплаб

¹ Бу иборани, бизнингча, «Худонинг суюклиси», «Оллоҳнинг эркаси» тарзида талқин қилиш лозим (Эргаш Очилов).

² Бу иборанинг мазмуни: «Илохий оламни сайр этувчи улуғ зот», демакдир (Э. О.).

³ Суханони манзуми Абусаид Абулхайр (Бо тасҳиҳу мұқаддимаю ҳавошию таълифоти Сайд Нафисий). Чопи шашўм. — Техрон, 1376 (хижрий).

⁴ Асрор ут-тавҳид фи мақомоти шайх Абусаид (Толиф Муҳаммад бин Мунаввар бин Абусаид бин Тоҳир бин Абусаид Майҳаний). Мұқаддима, тасхеху таълифоти доктур Муҳаммадизо Шафөйи Кадканий. Чопи чаҳорўм. Иборат аз ду жилд. — Техрон, 1376 (хижрий).

⁵ Суханони манзуми Абусаид Абулхайр. С. 30.

Маъноси: Ҳурлар нигоримни кўриш учун саф тортдилар. Жаннат ҳам ҳайратланиб, карсак чалиб юборди. У қора холли маҳбуба юзларига парда тортганида абдол (Худонинг хос бандалари, яқинлари) кўркувдан Қуръонга чанг урди.

⁶ Валихўжаев Б. Ҳожа Аҳрор тарихи. — Тошкент, 1994. 75-бет.

⁷ Алишер Навоий. Муқаммал асарлар тўплами. 17-жилд (Насойим ул-муҳаббат). — Тошкент, 2001. 207-бет.

нозик назарий масалаларини ифода этганлиги жиҳатидан бу рубоийлар асосан самоъ мажлислари, сўйифиларнинг маърифий сухбатлари орқали машҳур бўлган.

1

Оlam сири то ҳануз ечилмай келади,
Бу бебаҳо дур ҳамон тешилмай келади.
Ҳар бир киши ақли борича сўз айтар,
Ҳақ моҳияти лекин очилмай келади*.

* Бу рубоий Абу Наср Форобийга ҳам нисбат берилади.

2

Сен теша каби ўйлама ўзингни фақат,
Ё ишни қилиб, қолма қуруқ ранда сифат.
Сен аррадан ол сабоқ ҳаёт мактабида:
Ярмини ўзингга олу ярмини узат!

3

Келтирди фалак қанча баҳору кузни,
Алмаштириб ўрнини кеча-кундузни.
Номард қўлига бериш учун дунёни
Мардларни териб, ер қаърига киргизди.

4

Хушбўй хидига мушк или анбарни* гадо
Қилгувчи у сочинг кечадо,
Тушди оёғинг остига-ю, қилди нидо:
«Бошдан-оёғим бошдан-оёғишта фидо!»

* Анбар — хушбўй модда; мажозан: зулф.

5

Майдон кенг-у, аммо марди майдон йўқдир,
Мард аҳлида ҳозир шавкату шон йўқдар.
Зоҳирлари гарчи авлиёга ўхшаш,
Ботинларида заррача иймон йўқдир.

6

Тасбех ўгириб, умрни зоеъ қилма,
Май иста-ю, дунё деб югурма-елма.
Дединг: «Нима тухфа келтирай ул дўстга?»
«Келтир нима келтирсанг-у, бедард келма»

7

Бўлмас сира бизда дилки, хуррам бўлгай,
Шодлик ўзи биз тарафда-ку кам бўлгай,
Ҳар шодлиги дунёни магар юз очса,
Келгунча етиб бизга ўшал ғам бўлгай.

8

Кўнглимни у ўтли сўзлари олдилар-ей,
Хам зулфлари, оҳу кўзлари олдилар-ей.
Дерлар менга: «Дил бердинг уларга не учун?»
«Мен берган эмасман, ўзлари олдилар-ей!»

9

Ёрдан сўрадим боисини ҳижронни,
Бул бўлди жавоби менга ул жононни:
«Мен кўзинг эрурман, йўқ ажаб, кўрмасанг-ей,
Мен жонинг эрурман, киши кўрмас жонни».

10

Маҳшар куни ҳамма йиғилар бир ерда,
Ажр олиш хавфи хар аёлу эрда.
Кафтимга қўйиб ишқини пешкаш этаман,
Менга: «Қани тухфанг?» — дегани тақдирда.

11

Ҳеч битга ғами фурқати жононча эмас,
Ҳар қанча ёмон дарди-да ҳижронча эмас.
Қандоқ кечайин жоним эсанг, мушкул эрур,
Дунёни(нг) бирор бойлиги чун жонча эмас*.

* Бу рубоий Пахлавон Маҳмудга ҳам нисбат берилади.

12

Кўп эзгу сўзим, аммо амал йўқ менда,
Бу ҳолимдан ор лоақал йўқ менда.
Осон гапириш мудом, қилиш мушкулдир,
Осон кўпу мушкул-чи, азал йўқ менда.

13

Ҳақ ошиғи тунларда туриб роз қиласи,
Ёр эшигу томи узра парвоз қиласи.
Ҳар қайда эшик бўлса, ёпарлар тунда,
Ошиқ эшигин тун чоғида боз қиласи*.

* Боз қиласи — очади.

14

Дунё қулининг мол ғамидан кўнглида доғ,
Чоғдир бу жаҳонда танҳо дарвешда думоғ.
Занжир билан занги* бўлса бўйнида магар,
Кўпроқ кўтаради ул эшак юкни-да, боқ.

* Занг — қўнгироқ, зангўла.

15

Шарқ чўллари қўйнида тиканларки қатор,
Ошиқ элининг қонига оғушта — хумор.
Ҳар қайда паричехраю гулчехраки бор,
Ох, бу нима дард — барчасига мен харидор!

16

Ахволи ғарибни бетайин билгайми?
Дард лаззатини бедард ҳис қилгайми?
Мард кишининг қимматини мард билади,
Номард назарига мардни ҳеч илгайми?

17

Огоҳ яшаб, огоҳлик или ўл, эй дил,
Ҳақ толибисанми, йўлда жон таслим қил.
Ишқ бунда тириклик сифати — сен ҳам агар
Мансуб эсанг унга хоҳ яша-ю, хоҳ ўл!

18

Ёди туну кун ошуфта кўнглимга яқин,
Савдоси унинг кўксимаро гўшанишин*.
Чиқмасман бандалиги доирасидан
То дил узуги ичра ҳаёт нақши бу кун.

* Гўшанишин — пинҳон ўтирувчи; хилватда ўтирувчи.

19

Биз — ишқ курбонимиз, жаҳон — күшхона,
Биз — очмизу бедор, жаҳон — ошхона.
Жаннат ҳаваси йўқ бизда, жаннат ўзи —
Бизнинг дўзахга рашқ этар пинҳона.

20

Ҳарчанд ишимиздан хабардормасмиз,
Беҳуда тамошобини гулзормасмиз,
Ул ҳошияни китобга даркормасмиз,
Даркор-ку эмасмиз вале бекормасмиз.

21

Мен — ишқман-у, ҳар томирима ғам пайванд,
Мен — дардман-у, дил дардгадир ҳожатманд.
Мен — сабрман-у, шер панжасининг комидаман*,
Мен — шукрман-у, мудом хоҳишим хурсанд.

* Ком — оғиз, танглай; мурод, мақсад, орзу; баҳт.

22

Ҳар қанча агар яхши ишинг — сендан эмас,
Ё бўлса ёмон қилишинг — сендан эмас.
Кўн боригаю шод яша, яхшими-ёмон —
Дунё ишига ўтмас тишинг — сендан эмас.

23

Дунё ғаму дард манзилидир, билгайсан,
Йўқ фойдаси ҳар қанча дилинг тилгайсан.
Ҳар қуни бирор дўст фирогида куйиб,
Ҳар лаҳза бирор дўстга видо қилгайсан...

24

Эй кўз, қарасанг син солиб, кўргайсан то:
Дунё иши бошдан-оёқ дарду савдо.
Хилват ва қаноат уйини айла макон,
Осуда бўлай десанг, яшагин танҳо.

25

Ох, ўтди куним дунёи ғаддор ғамида,
Ох, кечди туним ҳам йўқ ила бор ғамида.
Бир лаҳзаси дунёларга teng умрим,
Ўтди бехуда ташвиши рўзгор ғамида.

26

Юз шукр, сафо гулшани бўлди танинг,
Ишқ ғунчасига тўлди тамом пираҳанинг*.
Жисмишта ҳарорат адашиб тушган экан,
Тер айлаб, уни тўқди ўзидан баданинг.

* Пираҳан — қўйлак.

27

Дил ахли* мудом қибла билар Ўзингни,
Кўксига тумор қилиб тақар сўзингни.
Қай кимсаки, юз ўгирса бу кун сендан,
Қай юз ила эрта кўради юзингни?!

Дил ахли — маърифат ахли, орифлар, донишмандлар.

28

Рух гулшанининг тоза гулидир чехранг,
Нозик шу қадарки, шом-саҳар, эй шўху шанг,
Кўзим ёнидан агар хаёлинг ўтса,
Киприк тегиб, ахволи унинг бўлгай танг.

29

Лозим ҳидоят йўлига юз тутмоқ,
Ишқида кўнгилни зору ёлғиз тутмоқ.
Ўз тоату хайришта умид қилма сира,
Ҳак раҳмату фазлига керак кўз тутмоқ.

30

Бўлсин десанг давлату дунё ҳамкор,
Сендан кишига етмасин асло озор.
Ҳеч қўрқма ўлимдан-у, ема ризқ ғамини,
Ҳар иккиси ўз вақти билан бўлгай ёр.

31

Айбу гуноҳим агарчи олам-олам,
Лутфу карамишта умидим мустаҳкам.
Кўллашга бечораларни сўз бергансан,
Дунёда бечора киши йўқ мендан ҳам.

32

Шод ёр ситамидан ким агар оҳ этмас,
Ички сиридан кимсани огоҳ этмас.
Дил оташидан бошдан-оёқ куйса-да шам,
Ўт этагидан қўлини қўтоҳ* этмас.

Қўтоҳ — қисқа, калта.

33

Ким ошиқ эса, бошига тиғ келгусидир,
Захр етса унга, мисли шакар билгусидир.
Ҳарчанд жигарыда қатра сув бўлмаса-да,
Дарё-дарё қонни нўш қилгусидир*.

* Нўш қилиш — ичиш.

34

Ҳар турфа хатони гар Худо бағишилар,
Ҳар гуноҳ учун ўзга ато бағишилар.
Оламдаги бор нарсани(нг) қайсига фано,
Қайси бирига бўлса бақо бағишилар.

35

Бир тоифа ўзича ғурур айладилар,
Мақсад йўлида жабру қусур айладилар.
Бир тоифа даъвогар-у, бир тоифа-чи,
Сендан узилиб, ўзни ҳақир айладилар.

36

Дилхастаю бағри чок бўлмоқ лозим,
Кечмогу вужуддан — пок бўлмоқ лозим.
Иш аввалида ўз-ўзидан пок бўлиб,
Ишнинг охирида хок* бўлмоқ лозим.

* Хок — тупроқ; хор, ҳақир.

37

Рухсорини бениқоб бўлмайди кўриб,
Дийдорини беҳижоб бўлмайди кўриб.
Кун авжида кўзингни қамаштиргайдир
Офтоб-да бериб азоб, бўлмайди кўриб.

38

Ҳажринг-ла кетаркан, қолади дил қони,
Дўзахча-дўзахча ўту кул хирмони.
Шавқинг-ла келаркан бу жаҳон гулшанига,
Айбимдан очилгай неча гул бўстони.

39

Бу дунё вафо қилмас бир арпага ҳам,
Минглаб киши ошиқ унга аммо ҳар дам.
Душман билар Оллоҳ ўзига дунёни,
Ҳақ душманидир дунёни севган одам!

40

Мулкинг сени дил, майли, ғаминг мўл бўлсин!
Қайғу селидан хаста вужуд кўл бўлсин!
Дардинг нима қилса дилни лутфдир, йўқса —
Тор дилга ғамингни чеккали йўл бўлсин!

41

Гар мадрасадан ажри амал топгайсан,
Лек майкададан айши азал топгайсан.
Риндлар* уйига агар буюрсанг ташриф,
Иймон асосини тугал топгайсан.

* Ринд — шариат ва тариқат босқичларидан ўтиб, ҳақиқат асрорига еттан киши. Илохий майдан масти ва хурфиқр инсон тимсоли.

42

Эй Тангри, Мұхаммад, Али, Захро ҳаққи!
Хусайну Қасану оли або* ҳаққи!
Қар икки жаҳонда ҳожатим айлараво
Эл миннатисиз Алиюлаъло* ҳаққи!

* Оли або — Мұхаммад пайғамбар хонадони: Мұхаммаднинг ўзи, күёви Али, қизи Фотима, набиралари Ҳасан ва Хусайн.

* Алиюлаъло — Ҳазрат Али.

43

Эй Қайдари шоҳсувор, мадад вақти бу кун!
Саккиз имому* чорёр*, мадад вақти бу кун!
Бу дунёда мен ожиз-у, душман кўпдир,
Эй соҳиби Зулфиқор*, мадад вақти бу кун!

* Саккиз имом — Ҳазрат Али ва унинг авлодларидан иборат имомлар: Али ибн Абу Толиб, Ҳасан, Ҳусайн, Зайн ал-Обидин Али, Мұхаммад ал-Бокир, Жаъфар ас-Содик, Мусо ал-Козим, Али ар-Ризо.

* Чорёрлар — «хулафо ар-рошидин» — «тўғри йўлдан борган халифалар»: Абу Бакр, Умар, Усмон, Али.

* Соҳиби Зулфиқор — Ҳазрат Али. Мұхаммад алайҳиссалом Зулфиқор номли қиличини унга ҳадя қилган.

44

Эй Тангри, ўзинг каримсану ғаффорсан,
Раҳмону раҳиму роҳиму сатторсан*.
Орзум шуки, бу бандай шармандани ҳам
Ҳифзингга* олиб, лутфу карам айларсан...

* Карим, Ғаффор, Раҳмон, Раҳим, Роҳим, Саттор — Худонинг зоти ва моҳиятига ишора қиласиган исм ва сифатлари бўлиб, уларнинг адади 99 та.

* Ҳифз — саклаш, муҳрфаза килиш.

45

Дил то бу жаҳон ташвишидан хур бўлмас,
Жисминг садафида* ҳеч қачон дур бўлмас.
Бош косасини тўлдиради нафсу ҳаво,
Энди унга бошқа нарса манзур бўлмас.

* Садаф — ичидা гавҳар етиладиган ҳуққа.

46

Дил боғлама: дунё тубану кони ҳавас,
Топтайди уни асли азал нокасу кас.
Минг жазмани бор бу маъшуқани нетасан?
Ул ёрни тила, бир сеники бўлгаю бас!

47

Ишқ ҳатто шерни зору гирён* қиласи,
Юксак баридан — ким нима гумон қиласи.
Душманлик қиласар бўлса, меҳр кўрсаттай,
Дўстлик тиласа, юракни у қон қиласи.

* Гирён — йигловчи, йиглаб турган.

48

Эй, барча бу кўклигу баҳорлар сендан,
Ял-ял ёнган бу гульузорлар сендан,
Ох чекиб, тўкар ёш бекарорлар сендан,
Сендан бу шамол, ёмғиру қорлар сендан.

49

Эй бод*, сенга хоки Мустафо* ҳаққи қасам!
Эй ёмғир, Алийи Муртазо* ҳаққи қасам!
Эл келди фифонга, етади, бас қилгил,
Эй дарё, шаҳиди Карбало* ҳаққи қасам!

* Бод — ел, шамол.

* Мустафо — Мухаммад алайхиссаломнинг исмларидан бири.

* Ўз илми, хулки ва дин йўлидаги хизматлари билан Оллоҳ, пайғамбар ва ислом аҳлиниңгиз ризосига сазовор бўлган, деган маънода Ҳазрат Алига Муртазо лақаби берилган.

* Шаҳиди Карбало — Ҳазрат Алиниң ўғли И мом Ҳусайн. Халифа Язидга қарши ҳокимият учун курашда 680 иили Куфа яқинидаги Карбало даштида ўлдирилган.

50

Ишқ келди-ю, сочди бошимга хоки ғам,
Ёғдирди бало булутидан ёмғир ҳам.
Қон бўлди-ю кўнглим, вужудим ёнди чунон,
Ёш ўрнига кул тўкилди кўздан ҳар дам.

51

Ёр севгиси йўлида тутибмиз манзил,
Ёниш ҳунарини ўтдан ўрганди қўнгил.
Бошга кўтарарлар бу шаҳарда бизни,
Бу обрўни ишқ туфайли қилдик ҳосил.

52

Дўзахда агар зулфини қўлда тутаман,
Жаннат аҳлининг ҳолидан ор этаман!
Ёрсиз мени жаннатга қилишса таклиф,
Жаннатни бошимга ураманми — нетаман?!

53

Бир лаҳза ҳаваслар шамига сен пуф де!
Кўнглимга малол жамоли ҳар Юсуф¹ де!
Бу болдан бир ялам солай оғзишта,
Шаҳди сени маст айламаса гар туф де!

* Бу ерда хусну жамол тимсоли бўлган Юсуф алайхиссалом кўзда тутилмоқда.

54

Фамгинман-у, сен туфайли чекмасман ғам,
Ҳар лаҳза умидворману шоду хуррам.
Сендеқ қўли очиқ зотнинг даргахидан
Ҳеч ким ноумид эмас, умидвор мен ҳам.

55

Сўнгсиз ғаму дардингдан бедармонман,
Кўксим тўла доғ — ёна-ёна бирёнман*.
Бағримни ёқар алам: кўзим гавҳаридек
Кўзимдасан-у, кўролмайин гирёнман.

* Бирён — қовурилган.

56

Бир кун гулоб* орзусида бокқа кирдим,
Гул чехрасини оташ ичида кўрдим.
Дедим: «Нега куйдиришди — айбинг борми?»
Дер: «Боғ ичида бир лаҳза хандон эрдим».

* Гулоб — гул суви, атиргул япроқларидан олинадиган хушбўй ичимлик; мажозан: кўз ёши.

57

Бахтинг асосини, эй рафиқ, қўлга кирит,
Умрингни совурма беҳуда — қадрига ет.
Қар даврада, ҳар ерда, ҳар иш қилганда
Кўнглинг кўзини ҳамиша ул ёр сари тут!

58

Ким бошидан ишқ ичра жудо гар бўлмас,
Ошиқлик иши унга муқаррар бўлмас.
Ҳам ёрни-ю, ҳам бошни агар истар эсанг,
Ҳар иккиси ҳеч қачон мұяссар бўлмас!

59

Дил сенга макон бўлмаса, қон қилгум уни!
Дўст тутмаса кўз, нахри* равон қилгум уни!
Жонимда яшар висол умиди, йўқса,
Ҳайдаб вужудимдан, бемакон қилгум уни!

* Нахр — дарё.

60

Ҳақ зикрини айтмоққа забон яхши эмиш,
Тоатни қилиш тунда ниҳон яхши эмиш.
Утмоқ тиласанг пули Сиротдан осон,
Нон бер гадоларга, чунки нон яхши эмиш.

61

Ҳар кимсаки, қўл тортмаса зулм — ваҳшатдан,
Маҳшарда у мосуво эрур шафқатдан.
Эй йўлтўсар, охиратда бу сен тўсган
Йўллар сени ҳам тўсгуси ҳақ жаннатдан.

62

Ориф* вужуди бўлса-да ҳарчанд огох,
Қудсий* ҳараминг сари у йўл топмас, ох.
Арбоби шуҳуду* аҳли кашфнинг* дасти
Идрокинг этапши тутишга кўтоҳ.

* Ориф — маърифат соҳиби, Оллоҳни таниган киши, комил инсон. Оллоҳнинг зоти, сифатлари ва исмларини мушоҳада этадиган завқий ва важдий илмлар эгаси бўлган зот.

* Қудсий — пок, покиза.

* Арбоби шуҳуд — ваҳдат уш-шуҳуд таълимоти арбоблари. Бу таълимотнинг моҳияти шундан иборатки, сўфий нимага бокмасин, ўша нарсанинг ўзини эмас, балки унда Ҳакни кўради. Чунки ваҳдат уш-шуҳуднинг ўзи ҳамма нарса Оллоҳдан деган маънони бидциради.

* Аҳли кашф — орифлар, валийлар.

63

Каъбада хаёлинг этса банд бегона,
Тоат бари фиск-у, Каъбадир бутхона.
Гар дилда Худо-ю, манзилинг майхона,
Кечгай бу гуноҳингни ўзи жонона.

64

Ҳак денгизи кон дурри ҳақиқатта, абас,
Гирдоби унинг тузоф-у, кемаси — нафас.
Ҳар бир қулоғи садафни кўз гавҳаридир,
Ҳар мавж ишорадир киши қошига, бас.

65

Майхона пири нола чекар дардингдан,
Беайб гўдак-да ёш тўкар дардингдан,
Тонг қушлари-да фифон этар дардингдан,
Ох, барчани минг бир оҳ тутар дардингдан!

66

Сочига тароқ урди ўшал сарви суман,
Беркитди юзини анбарин зулфи билан.
Номаҳрам у юзни қўра олмай энди
Сехр соҳибининг хийласига бергай тан.

67

Дарвеш* бўл-у, подшоҳга сира қасд этма,
Ҳеч факр* этагидан-да узиб қўл кетма.
Кир оғзига аждарни-ю, дунё тилама,
Чоҳ ичра ўтири-у, орзуи чоҳ этма.

* Тасаввуф истилоҳотида дарвеш изловчи, истовчи маъносини ифодалаб, сўфий, факир, ошиқ, ориф, соҳибдил, соҳибасрор, соҳибназар каби ўзини Ҳаққа бағишлигар кишиларнинг тимсоли бўлиб келади.

* Факр — тариқатнинг тўртингчи мақоми. Дунё неъматлари, вужуд эҳтиёжларидан қўл тортиб, факат Ҳаққа муҳтоҷ бўлиш.

68

Очди ўша дилбарим никоб бир ёқдан
Ҳам тонг қўтарди-ку ҳижоб бир ёқдан,
Гар қўпган эмас қиёмат — юз очди нега
Бир ёқдан ул ой-у, офтоб бир ёқдан?!

69

Бу ғамзадалар* давосини билгайсан,
Ушшоқ* дилининг дуосини билгайсан.
Айтиб нима қилдим сенга ўз дардимни,
Мендан кўра яхшироқ уни билгайсан.

* Ғамзада — рамгин, қайгули.

* Ушшоқ — ошиклар.

70

Бу ҳийла дединг, йиғласам ишқингда зор,
Гар ҳийла эса, нечун кўзим қонли, ёр?
Сен ўз юрагишта менгзама ҳар дилни,
Йўқ, йўқ, санамо, диллар ичинда фарқ бор!

71

Сабримга, Худоё, мени сарвар* айла,
Ҳақ нури билан дилим мунаввар айла,
Бу ошиқи саргашта* қулинг ризқини ҳам
Эл миннатисиз Ўзинг мұяссар айла!

Сарвар — етакчи, йўлбошчи, раҳбар.

Саргашта — сарсон, овора; саргардон; паришон.

72

Гар Каъба сари бизни югуртиргайсан,
Майхона аро ёки ўтиргайсан.
Бул барчаси мавжудлигимиз шарти эрур,
Кошки эди ўзликни унугиргайсан*.

* Ўзлик — инсоннинг нафс ва дунё билан боғлиқлиги. Нафс ва дунё — Ҳақ йўлида тўсиқ.

73

Ул тун менга берганда висолингдан ранг,
Ялдо* каби тун қисқа-ю, кешликдир танг.
Ул тун валие мен забун билан қилсанг жанг,
Тун кўр-у, хўроз гунг-у, Сурайёдир* ланг.

* Ялдо — қишининг энг узун кечаси; ниҳоятда коронғи тун.

* Сурайё — юлдузлар туркумидан бирининг номи. Олти кичик юлдузнинг бир ерда жам бўлишидан иборат.

74

Дилдан сўрадим: «Ишинг нечук, сўйла, ҳабиб?»*
Тўлди унинг дийдасию ёш тўқди ҳадеб.
Деди: «Не бўлар ҳоли ўшал кимсанниким,
Умрин басар этгай у бирор ҳоҳиши деб?»

* Ҳабиб — дўст.

75

Кўпдан бери дил гулхани хижронда куяр,
Ашким ҳама ул дийдаи гирёнда куяр.
Куйгай эдим онқадар — дилингдан ўзга
Менда дили кофиру мусулмон-да куяр...

76

Мен дод этаман, ишқ илкидан дод этаман!
Бир нозли санамга тушди ишқим — нетаман?!
Ё жаҳд этиб васлига бир кун етаман,
Ё қолдириб армонлара дилни кетаман...

77

Мажнун нима дашт-у, нима тоғ — фарқ этмас,
Ошиқ нима бош, недир оёқ — фарқ этмас.
Маҳв айлаб ўзини, сени ким топса, ўшал —
Менлик нима, сенлик нима — боқ: фарқ этмас.

78

Ошиқману девонаману шайдоман,
Машхурману афсонаману расвоман,
Коффирману бутпарастману тарсоман*
Бундан баттарман неча бор ҳатто ман!

* Тарсо — насроний, христиан.

79

Мансур* маърифат* баҳри* наҳангига гўё,
Тан пахтасидан жон чигитин қилди жудо.
Келтирганида тилга «Аналҳақ» сўзини,
Мансур йўқ эди унда, бор эрди Худо!

* Мансур — машхур сўфий Мансур Ҳаллож (858—922). «Анал-ҳақ» — «Мен — Худоман» дегани учун ўлдирилган.

* Маърифат — Оллоҳ моҳияти ҳақидаги илм.

* Баҳр — денгиз, уммон, катта дарё.

80

Кўнглимиз ғаминг билан тўлиқдир, эй дўст,
Дардинг туну қун бизга рафиқдир, эй дўст.
Мен қўнгли синикларни севарман, дебсан,
Бизнинг-да шу кўнглимиз синикдир, эй дўст.

81

Мақсад йўли — Каъба, чалғима ўнг-сўлга,
Майхона десаш, тушарсан ўзга йўлга.
Майхона йўли валекин андоқ обод,
Чайқалмай ўтар қадах-да қўлдан-қўлга.

82

Дардингни чекиб, тадбири дармон қилмам,
Зулфингни севиб, орзуи иймон қилмам.
Жононим, агар жон тиласанг, хуш бўлгай,
Жононим учун андишиа жон қилмам.

83

Хоҳ шодман-у, хоҳ қайғуда — ёдинг дилда,
Ўлтирсаму турсам эзгу номинг тилда.
Ёдингга мен андоқ чулғанибман, эй дўст,
Кўрмайди кўзим ўзгани бу манзилда.

84

Бермиш сенга икки нарсани қодир Эгам,
Ҳар иккиси ззгуликда тоқдир чинакам:
Ул биттаси сийрат — тутасан дўст кишини,
Ул биттаси суврат — тутишар дўст сени ҳам.

85

Сенсиз мени бир лаҳза қарорим йўқдир,
Гарчи қарамингдан сира зорим йўқдир.
Тил бўлса-да танда ҳар туким — минг тил или
Шукрингни қилиш учун мадорим йўқдир...

86

Ёшга тўла кўзларимга уйқу йўламас,
Дардим — висолинг орзусидан ўзга эмас.
«Уйқунгда кўрарсан — кўзни юмсанг», — дерлар,
Хеч кимса вале: «Уйқунг ўзи борми?» — демас.

87

Эй хожа, ғуур сенга бўлибди ҳамроҳ,
Кўнглингда мудом боғу роғу хирмангоҳ.
Биз олами тажриднинг* ошуфтасимиз,
Бизнинг ғамимиз: «ло илоҳа иллаллоҳ».

* Тажрид — бошқалардан ажралиш, танҳолик.

88

Кўнглимдаги бор майлу таманно* сенсан,
Бошимдаги бор оғриқу савдо сенсан,
Ҳар қанча ҳаётга боқмайин, кўргайман:
Сенсан бугун-у, эрта-да танҳо сенсан!

* Таманно — истак, умид; мақсад.

89

Ҳар кексаю ёшнинг дили шод дардингдан,
Диллар сира бўлмасин касод дардингдан,
Мен хастанинг жисмини бу тупроқ уйида
Айлантириб ўйнар гирдбод дардингдан.

90

Гуноҳ юкидан заиф таним бўлмиш ҳам,
Тангри, бу қулингни қилмагил кўпдан кам.
Гарчанд амалимда сенга мақбул иш йўқ,
Лутфингни дариф тугма, Эгам, мендан ҳам.

91

Ишқингда сени жонни фидо қилгим бор,
Кўйингда йўғу борни адo қилгим бор.
Қай кунки кўрарман сени, эй умри азиз,
Ул кунда сенга жонни фидо қилгим бор.

92

Илм бирла амал агар баробар бўлгай,
Ҳар икки жаҳон сенга мұяссар бўлгай.
Ул саҳфани мақтанма, хатм этдим деб,
Қайтар у варақ ортига — дафтар бўлгай.

93

Мойилмизу май ичишга, тақво дилда,
Дунёга берилгаймизу уқбо* дилда.
Дунё била дин сира келишганми, ахир?
Бас, бўлган эмас на дин, на дунё дилда!

* Уқбо — охиrat.

94

Ҳар кимсаки, ишқ учун агар сайланади,
Ишқ ўқига учмоққа ўшал шайланади.
Қонга беланиб ётса-да, туриб-йиқилиб,
Уз қотилининг атрофида айланади...

95

Қошингда аёнлару ниҳонлар бари ҳеч,
Бор ўйлар, ишончлару гумонлар бари ҳеч.
Бўлмайди бериб нишона ҳеч зотингдан,
Ҳар қайдаки, Сен бор — нишонлар бари ҳеч!

96

Ёр келди-ю, айтди: «Хасга тут кўнглингни,
Ҳар лахза умидга баста* тут кўнглингни.
Мен кўнгли шикасталарни дўст тутгайман,
Бас, мени десанг, шикаста тут кўнглингни».

* Баста — боғлиқ.

97

Бул аҳли замонадан ор қилсанг-чи?
Тарқ этгали сухбатин қарор қилсанг-чи?
Топмайди ривож банда иши бандадан,
Уммидни Узидан ихтиёр қилсанг-чи?

98

Васлинг сени қайда, мени маҳжур* қайда?
Дурдона қаерда, ғайрати мўр* қайда?
Қўрқув нима билмагайман қанча куйсам,
Парвона қаерда, оташи Тур* қайда?

* Маҳжур — айрилиб қолган; маҳрум.

* Мўр — чумоли.

* Оташи Тур — Тур тоғида Мусо алайҳиссаломга намоён бўлиб, ўз жилvasи билан тоғни майдалаб ташлаган илоҳий нур.

99

Эй Тангри, мени ғамга гирифтор қилма,
То дўсту яқинлар қошида хор қилма.
Эл миннатисиз бергил Ўзинг ризқимни,
Лутфингни аяб, эл қўлига зор қилма.

100

Бир зот деди: «Ёр яшайди қай манзилда?»
Дедимки: «Ёр макони бизнинг дилда».
Дедики: «Дилинг қаерда?». Дедим: «Унда».
Деди: «У қаерда?» Дедим: «Уми? Дилда».

101

Уд* йўқ эди, тол таёгини келтирдим,
Юз қорасию соч оқини келтирдим.
Ўзинг деган эрдинг-ку: умидсизлик — куфр,
Шул боис умид маёғини келтирдим.

* Уд - бу ерда: ўтга ташлаганда хушбўй хид таратадиган ёғочнинг бир тури.

102

Бир лаҳза юзингсиз истиқомат қилмам,
Кўйингда бирорларни маломат қилмам,
Наслингни қидиргали иқомат* қилмам,
Ишқингда-ку тавба то қиёмат қилмам.

* Иқомат — бу ерда: саъй-харакат маъносида.

103

Ул ёр кўйида ошиқи мардонаман-ей,
Тушдим вужудимдан айри, бегонаман-ей,
Ул илм талағ қилмади — лаб бойланди,
Ул ақл харид қилмади — девонаман-ей.

104

Айб айлама, эй хожа, агар ичсам май,
Ошиқлигу хумморлик учун этсам саъй.
Хушёр эканимда қуршаса ағёрлар,
Бехуш эканимда оғуши ёрнинг шай.

105

Ишқинг хосу омдан эрса пинҳон, на қилай?
Дард ошса-да, топилмаса дармон, на қилай?
Дил ўзгага майл этса қанийди, аммо,
Мен истасам-у, бермаса дил ён, на қилай?

106

Кўзғолди жаҳонда сени деб фитна-фироқ,
Дарвешни яқин тутдинг-у, бойларни йироқ.
Сен ҳаммага сўзлайсан-у, кардир ҳамма,
Сен ҳамма билан-у, ҳамма кўрдир бироқ.

107

Мажнуни паришонинг ўзим — имдод* қил!
Оввораю ҳайронинг ўзим — имдод қил!
Ҳар чораси йўқнинг чорасози бўлгай,
Бечораю сарсонинг ўзим — имдод қил!*

* Имдод — кўмак, ёрдам, қўллаш; илтижо, ялиниш, сўраш.

* Бу рубоий Жалолиддин Румийга хам нисбат берилади.

108

Дедимки: «Дилим». Деди: «Кабоб айлама кўп».
Дедимки: «Кўзим». Деди: «Селоб* айлама кўп»,
«Жоним», — деган эдим, деди: «Ишқ оламида
Кўп зору хароб, сен-да хароб айлама кўп».

* Селоб — сел суви, тошқин; мажозан: кўз ёши.

109

Истар эсанг, Оллоҳ назарига илсин,
Тегрангда малаклар айланиб-ўргилсин,
Ё қилгил унинг ризолиги бор ишни,
Ё кўн у сени ҳар нима қиласа-қилсин!

110

Эй хожа, ўлим хаёли ғам келтиргай,
Ўртаб у кўнгилни, кўзга нам келтиргай.
Юз марта ҳаётни ўйлаган қул бир бор
Балки эсига ўлимни ҳам келтиргай...

111

Ҳақ тоатисиз беҳишт умидин тутма,
Дин хотамисиз* мулки Сулаймон* кутма.
Гар икки жаҳон розилигин истарсан,
Хеч битта мусулмон дилини ранжитма.

* Хотам — узук.

* Сулаймон — шон-шавкатли подшоҳ ва пайғамбар. Унинг мол-мулки ҳад-хисобсиз бўлган. Еру осмон, шамол, деву пари, барча ҳайвонот олами унга бўйсунган.

112

Эй барча тирик жонни яратган Бирубор,
Ҳар бир қадами уларни сенга ошкор.
Даргохингга бойладим умид риштасини,
Энди мени қўллагил ўзинг, эй Гаффор!

113

Маълум эди сенга то яралишга қадар
Қандоқ бўлиши аслида фарзанди башар.
Бас, банда гуноҳи бандадан эрмас, Эгам,
Ул банда қиласар ҳар нени амр этсанг агар.

114

Эй Тангри, менга раҳнамое йўлла,
Бул бенаво қулга бир навое йўлла.
Тақдирим ипига бок: тугун узра тугун,
Раҳм айла-ю, бир тугункушое* йўлла.

* Тугункушой — тугунларни ечувчи, мушкулларни ҳал қилувчи.

115

Дил ахли маърифат сиридан огоҳдир,
Ўзни унутиб, Худо билан ҳамроҳдир.
Ўз инфињинг-у, Ҳақ вужудин исботин қил,
Шул маъниийи «ло илоҳа иллаллоҳ»дир.

116

Бегонанинг ишқи дилини тутди ватан,
Деб ҳеч мени ёзғирмасин ул сарви суман,
Чунки ҳали остонасининг тупроғи
Қайноқ жигарим қонларининг тафти билан!

117

Сўз гар узун эрса, муҳтасар этмак шарт,
Феъл-хўйи ёмон ёрдан ҳазар этмак шарт.
Чин ёр кўйида валекин ўлмоқ лозим
Ҳамда уни тезда боҳабар этмак шарт.

118

Эй Тангри, карам эшигин оч юзимга,
Кўринсин ўшал нажот йўли кўзимга.
Ҳар икки жаҳондан озод айла, токи
Ёдингни фақат кўрай раво ўзимга.

119

Эй ёр, биласанми, нимани хоҳлайман:
Васлинг сени — бор-йўғим мани, хоҳлайман.
Фарёду фигону оҳларим боиси шу:
Қар икки жаҳонда ман сани хоҳлайман!

120

Эй нозли санам, сени кўнгил хоҳлайди,
Айёми висолни муттасил хоҳлайди.
Васлинг менинг мақсадим мудом Оллоҳдан,
Шунчадир умид — қанчани дил хоҳлайди!

121

Ишқ ўлкасида бирор осуда дам йўқ,
Дард ортиғу бунда, озгина малҳам йўқ.
Чекмай аламу дард этма дармонни умид,
Беайбу гуноҳ умиди раҳмат ҳам йўқ.

122

Тут покиза дилни — боқади Ҳақ дилга,
Олмайди ғуборли дилни у бир пулга.
Зоҳид* дилини покласа Оллоҳ йўлида,
Айлантирас у жумла башарни қулга.

* Зоҳид — узлат ва тақвони қасб қилиб, дунё лаззатидан юз ўғирган киши. Бу тоифа ишқ ва ирфон (илоҳий маърифат)дан бехабар бўлиб, уларнинг мақсади такво билан оҳират мағфиратини қозониш, Куръонда вайда қилинган жаннатнинг хузур-ҳаловатига етишиш. Сўфийларнинг ҳар икки дунёдан мақсади Худонинг ўзи, унинг дийдори бўлғанлиги учун ҳам зоҳидларнинг бу ишини тамаъгирилик деб ҳисоблайдилар ва уларни танқид қиласидар.

123

Кўнглим сирини билувчи Оллоҳим Ўзинг,
Кўрсатгучи тўғри йўл буюк шоҳим Ўзинг.
Дам урса чумоли гар бирор чоҳ тубидан,
Чумолини ҳолидан-да огоҳим Ўзинг.

124

Бўлганда аён табибга бул дарди ниҳон,
«Ёрдан ўзгасига, — деди у, — боғла забон».
Дедим: «Не таом ей?» Деди: «Дил қонини ич,
Парҳез сенга бўлгай, яна ҳар икки жаҳон»

125

Дунё сира қилмагай вафо инсонга,
На отага қолди-ю у, на ўғлонга.
То келса қўлингдан ўтказ умр тоат ила,
Шул чарх иши ҳам гадо-ю, ҳам султонга.

126

Ёнган куни оламда мухаббатнинг ўти
Маъшуқадан ошиқ куйиш илмин ўқиди.
Ул дўст тарафидан келди бу сўзу гудоз*,
Шамъ ёнмаса, парвона сира куймас эди.

* Сўзу гудоз — ёнишу куйиш (эриш); ғаму алам, дарду ғусса.

127

Ҳайҳот, яна таратди хуш бўйини май,
Қўпди яна оввозайи ҳою хую ҳайЗ.
Ҳак сирлари янграр дил қулоғида мудом,
Оллоҳ тилидан факирга йўллар уни най.

* Ҳою хую ҳай — самоъ мажлисларидағи ғайбий моҳиятга ишора киладиган зикр сўзлари.

128

Оҳ-нола чекиш — факирга бор иш бу кеча,
На сабр намоёндир-у, на хуш бу кеча.
Ўтган кеча ёр бағищлаган бир дамлик
Шодликка товон тўлаш билан хуш бу кеча.

129

То ўз вужудингдан пушаймон бўлмай,
Дил аҳлию ринд элига сарбон бўлмай,
Бу халқ назарида бўлмагайсан кофир,
Ишқ мазҳаби ичра чин мусулмон бўлмай.

130

Эй дўст, даво юбор бу bemорларга,
Бер ризқини инсу жину ҳам ёрларга.
Сув бўйида ташналаб юрибмиз, сув бер —
Чанқоғини қондиргали бу зорларга...

131

Ҳайҳот, бу ғамимга эш бўлар одам йўқ,
Севгининг узун йўлида бир ҳамдам йўқ.
Дил қаърида роз жавҳари хирмон бўлди,
Тинглашга уни, нетай, бирор маҳрам йўқ.

132

Афсуски, йигитлик замони ўтди,
Шодмонлигу комронлик* они ўтди.
Сув бўйида ташна ётдим-у, ёнимдан —
Ул оби ҳаётнинг хуш сурони ўтди...

* Комрон — мақсадга эришган, баҳтли.

133

Бор дардим-у, ундан юрагим бирён-ей,
Бор ишқим-у, ҳар лаҳза қўзим гирён-ей.
Бир ишқи, дил тугул жаҳон тоб бермас,
Бир дардки, йўқ унга сира дармон-ей.

134

Келгил яна, хоҳ баланду пастсан, келгил,
Кофири, мажусий, бутпарастан, келгил.
Ҳеч бўлма умидсиз бу улуг даргоҳдан,
Минг марта магар тавба ушатсанг, келгил.

135

Лутф айла Ўзинг, қилма паришон бизни,
Ҳарчанд ўрамиши гуноҳу исён бизни.
Зотинг — ғани-ю, биз — муҳтоҷ, Ўзингдан —
Ўзгасига қилма зору нолон бизни.

136

Ким ўтмаса жамъдан*, у сира фард* бўлмас,
Ким кечмаса ўздан, у сира мард бўлмас.
Ким дўст йўлида бор-йўғини этмаса маҳв,
Бедарддир ўшал — кўнглида ҳеч дард бўлмас.

* Жамъ — хотирни жам қилиб, ҳалқдан узилган ҳолда Ҳақни мушоҳада қилиш. Бу соликнинг фано мартабасидир.

* Фард — танҳо, ҳалқдан узок.

137

Мисли Халилуллоҳ Каъба бунёд этсанг,
Тоат ва намоз-ла уни обод этсанг,
Ҳар кун икки минг бандани озод этсанг,
Етмас ангаким — ҳаммани гар шод этсанг!

138

Жону дил аро суврату маъно сенсан,
Дин мақсади-ю, мазмуни дунё сенсан,
Ошиқ элининг маъшуқи танҳо сенсан,
Кимларга ниҳон, кимга ҳувайдо* сенсан!

* Ҳувайдо — аён, равшан, ошкор.

139

Осон неча минг Каъбани обод айлаш,
Мушкул vale бир кимса дилин шод айлаш.
Лутф ила бир озодни қул этмоқ мушкул,
Осон vale мингта қулни озод айлаш.

140

Соқий*, бўла қол, қадаҳни сун, ўлгайман,
Қўл май қадаҳидан олса тин ўлгайман.
Ҳар кимсани паймонаси тўлса — ўлгай,
Паймонам агар бўшаса, мен ўлгайман.

* Соқий деганда сўфийлар Оллоҳни, Мухаммад алайҳиссаломни, маъшуқани, пир ёки комил инсонни назарда тутадилар. Соқий даврага май улашгани каби улар хэм одамлар қалбига илоҳий файз бағишлайдилар, ҳақиқий ишқ ўтини соладилар, гайб маърифатидан баҳраманд этадилар.

141

Ишқ сўзини ҳар дамки, қулоққа илдим,
Жону дилу кўзни ғам тифида тилдим.
Ошиқу маъшуқни икки деб ўйлар эдим,
Ул иккиси бир экан — ўзимдан билдим.

142

Келгил яна, то сидқу ниёзим кўргил,
Бедор кечалардаги намозим кўргил.
Девона эмасман-у, фироқинг солди
Шу кўйга мени, э сарвинозим, кўргил...

143

Билгилки, тириклик бир умр дўст ила хуш,
Кўп эрса-да жабри, бирибир, дўст ила хуш.
Дерлар тилагинг беҳиштми, дўст дийдори?
Фофилдир улар, беҳишт, ахир, дўст ила хуш!

144

Ул дўст висол эшигани бизга ёпар,
Ҳар лаҳза фироқ оташида дилни ёқар.
Бас, мен-да шу кўнглимни синиқ тутгайман,
Дўст чунки мудом кўнгли синикларга боқар.

145

На сен-у, на мен азал сирин билгаймиз,
Ё ушбу муаммони-да хал қилгаймиз.
Ҳақ пардасидан ташқарида бор сўзимиз,
Гар тушса у, на сен-у, на мен қолгаймиз...*.

* Бу рубоий Умар Хайёмга ҳам нисбат берилади.

146

Севгиси унинг бўлди бало бошимга,
Хеч ажрамас — ўхшайди қариндошимга.
Қочмоққа уринсам рамидан — ҳар гўшада
Тоғ-тоғ ғами пешвоз чиқади қошимга.

147

Султон дедиким, нақд ҳазинамdir ўшал,
Сўфий дедиким, ғам тўла сийнамdir ўшал,
Ошиқ дедиким, дардима малҳамdir ўшал,
Бир мен биламан, дилимда не ғамdir ўшал.

148

Сармояси инсон умрининг бир нафас-ей,
Бўлсин шу нафасда маҳраминг ҳамнафас-ей,
Ўлтиранг агар шу ҳамнафас-ла бир нафас,
Мазмуни ҳаётнинг худди шу бир нафас-ей.

149

Бул чархи фалак кўзимга сенсиз тордир,
Ҳижрон юки остида дилим абгордир.
Умримни узайтириб, хижил қисмат ҳам,
Жонимни олиш эса ажалга ордир.

150

Ҳар ҳол била йўлингга кирилса хушдир,
Ҳар йўл била васлинг қидирилса хушдир,
Қар кўз била юзингни кўрилса хушдир,
Ҳар тил била номингни тутилса хушдир.

151

Қон бўлди кўнгил, мунча сабр кимга керак?
Эй жон, мени тарк айла, жабр кимга керак?
Эй дийда, уялсанг бўлар ўз ҳолингдан,
Ёр юзини кўрмасанг, бу нур кимга керак?!

152

Кўз ёшига айланди-ю кетди жисмим,
Жисмим нима, ишқингда унутдир исмим.
Мендан асаре қолмаса — бу ишқ нечун?
Мен бўлдим маъшуқ бутун — ошиқ ким?

153

Аҳд* ошиқимиз-у, жон унинг муштоқи,
Ёнгаймиз ишқ оташида то жон боқий.
Фам газаг-у, дард надим-у, мутриб — нола,
Май бизга жигар қони-ю, кўзлар — соқий.

* Оллоҳ ўз ризосига эришган хос бандаларига охиратда жамолини кўрсатишга ваъда қилган. Бу ерда шунга ишора килинаяпти.

154

Кимнинг дилида бир сири пинҳон бўлмас,
Кўринса-да тирик, жисмида жон бўлмас.
Бор, дард талаб айла — иллатинг бедорлик,
Бир дардки, унга сира дармон бўлмас.

155

Ошуфта юзимдан туну кун зар ёғади,
Ёш ўрнига кўздан ўт саросар ёғади.
Ишқингнинг алансасида ёндимки чунон —
Севгимни булутидан самандар* ёғади!

* Самандар — афсонага кўра ўт ичида туғилиб, ўт ичида яшовчи, ранги ҳам оловранг жонивор.

156

Оlamda agar charxу қуёшу oй bor,
Ishqинг mайидan barchasи mastu hummor.
Sen forifу olamdan, olam sensiz xеч,
Xorijу makondan, u sening-la pойдор.

157

Ошуфта этиб ишқ отли дарёда Ўзинг,
Маҳв айладинг ўзликни бу савдода Ўзинг.
Мен қайга етай зоту сифотингни тилаб,
Пинҳон-да Ўзингсан-у, ҳувайдо-да Ўзинг.

158

Ишқ исми у куйдиргучи оташни, ажаб,
Куфру дин уйига ўт қўяр ул, ё Раб.
Ишқ мазҳаби ўзга-ю, бўлакдир иймон,
Пайғамбари ишқ на ажамийдир, на араб.

159

Бор бизда жаҳонда яна бир ўзга жаҳон,
Жаннат ҳам эмас, дўзах ҳам — у ўзга макон.
Сармоямиз ошиқлигу бепарволик,
Зухд аҳлинин йўли эса ўзга бегумон.

160

Исёнларимиз агарчи сахро-сахро,
Бир хасча эмас лутфи қошида аммо
Гуноҳларимиз бўлса-да кема-кема,
Фам йўқ, сабаби: раҳмати дарё-дарё.

161

Гоҳ худди фаришта ҳазрати инсонман,
Гоҳи еб-ичишдан ортмаган ҳайвонман,
Гоҳ енгади шайтон — соҳиби исёнман,
Бу турфа феълимдан ўзимам ҳайронман

162

То меҳри Абу Туробни(нг) дамсозимдир*,
Ҳайдар* ҳамиша ҳамдаму ҳамрозимдир.
Бу икки жигаргўша — менга икки қанот,
Синдирма паримни — вақти парвозимдир.

* Дамсоз — ҳамдам, ҳамсухбат, улфат, сирдош.

* Ҳайдар — шер; ҳазрат Алиниңг лақаби.

163

Дардан оғиз очма, йўқ-ку жонингда ўшал,
Бу мавзуни қўй, йўқ ғаладонингда ўшал.
Лофт урсанг-у бойнинг қошида гавҳардан,
Аҳмоқлик эрур, бўлмаса конингда ўшал.

164

Үхшайди кумуш күзага асли бу жаҳон,
Гоҳ суви ширин-у, гоҳи аччиқдир, аён.
Умрим мана мунча, деб ғурурланма сира,
Ҳар лаҳза ажал оти эгарлоқ бегумон*.

* Бу рубоий Умар Хайёмга хам нисбат берилади.

165

Мендан сўради бир киши: «Маъшуқанг ким?
Тутдим ўша нозли санам исмини шу зум.
«Қандай яшаяпсан бу каби ёр қўлида?» —
Деб ийғлади ҳолимга ўшал зот юм-юм.

166

Бегам яшай олмайди сира ошиқи лол,
Беёру диёрлик унга келмайди малол.
Бир ишвасига жон бериш орзуси унинг,
Билмай нима ҳижрон-у, нима васлу висол!

167

Умринг самари бошдан-оёқ макру фириб,
Ҳеч нолима, ўтсанг-да мудом қайгу чекиб.
Бўлма сира мағрут ўзинга — аслинг, ахир,
Тупроғу ҳавою суву ўтдан-ку, ҳабиб!

168

Ёр айласа қаҳрини намоён сенга,
Фам чекмаки, меҳри уни чандон сенга.
Ойинадаги суратга ўхшар жонон:
Гар сен қарасанг, қарайди жонон сенга.

169

Эй Тангри, назар айла бу саргардонга,
Лутфингни кам этма ошиғу ҳайронга.
Сен қилмишима қараб мукофот берма,
Қиммат ярашар сенинг каби Раҳмонга!

170

Гар мадрасада сен энг билимдон бўлсанг,
Ҳар даврада зўр, дониши даврон бўлсанг:
Бу илм ила ишқ мактабида, тонг йўқдир,
Ёш бола каби ожизу нодон бўлсанг.

171

Хаста бу кўнгил давосини билгайсан,
Ўтли юрагим сазосини билгайсан.
Нетдим яшириб, гуноҳга ботган кишининг
Саркаш дили муддаосини билгайсан.

172

Етмас қўли сенга, ким хаёлинг қилгай,
Ё мен каби орзуйи висолинг килгай.
Ўз ҳосилини кўриб қувонса шояд,
Холикки, тамошои жамолинг килгай.

173

Ошиқ кеча-кундуз ўйлагай севганини,
Маъшуқ қизитар нозу карашма фанини*.
Биз айбу гуноҳ қиласиз, сен лутфу карам,
Ҳар ким қиласи-да қўлидан келганини.

* Фан — илм, хунар, санъат; хийла, найранг; мақсад.

174

Бу ғалвали бош савдоси, эй жон, бир ён,
Ўз қаҳри билан бу чархи даврон бир ён,
Ошуфта бу дил дарди бегумон бир ён,
Бу барчаси бир ён, ғами жонон бир ён.

175

Ёдингдан кўнглим сира гофил бўлмас,
Жон танда экан, ўзгага мойил бўлмас.
Дил кўзгусига тушибди юзинг акси,
Бу сувратинг энди сира зойил бўлмас*.

* Зойил бўлиш — йўқолиш.

176

Ишқингда, санам, гоҳ бутпараст эрмишман,
Гоҳ ринду хароботию* маст эрмишман.
Девона феълим барига боис — шодман,
Гар гоҳи баланд-у, гоҳи паст эрмишман.

*Харботий — харботахли. Харбот — инсоний сифатларнинг хароб-у, жисмоний вужуднинг фоний бўлиши. Кишининг харботийлиги унинг комиллигидирки, ундан беихтиёр равищда илохий маърифат содир бўлади. Харботдан мақсад — комил инсон хузури; пири харбот — комил инсон, ориф шайх; харбот аҳли — ринdlар.

177

Ул бандага лутф эт ўзга ёри йўқдир,
Дардингни чекар — бўлак шиори йўқдир.
Ишқингда шу ҳолатдаки ул, бир лахза —
На сенсиз-у, на сен-ла қарори йўқдир.

178

То кўрдим-у гул юзингни, эй шамъи Тироз*,
На иш қиламан, на рўза бор-у, на намоз.
Сен бирла мажозим-да менинг жумла намоз,
Сенсиз-чи, намозим-да менинг жумла мажоз.

* Шамъи Тироз — Тироз гўзали; гўзал маҳбуба.

179

Элдан сира қилмишимни пинҳон тутма,
Дунёни(нг) мушкулин менга осон тутма.
Шод айла бугун-у, эрта ҳам лутфишта
Мос бўлмаган арзимас бир эҳсон тутма.

180

Ё Раб, мен агар гуноҳни одат қилдим,
Жонимга ўзим ситамни беҳад қилдим.
Амрингга нима зиддир — ўша ишдан мен
Юз бурдиму тавба қилдиму бад қилдим.

181

Сен ўйламаки, мени жаҳон кўрқитгай,
Ташрифи Азроил бегумон кўрқитгай.
Ҳақ бўлса ўлим — мен нега қўрқай ундан?
Худбинман-у, шу мени ёмон кўрқитгай.

182

Фазлинг ила барча мушкулим осон қил,
Лутфинг ила дардимга менинг дармон қил.
Мен — зору ҳақир, бас, бир нима килма умид,
Сен — шоҳсан улуғ, шунга қараб эҳсон қил.

183

Маҳшар куни зўр савол-жавоб бўлгаймиш,
Ёр «марҳамати» қахру итоб бўлгаймиш.
Ёрнинг қўлидан гарчи ёмонлик келмас,
Диллардаги кўрқув беҳисоб бўлгаймиш.

184

Афсуски, киши огоҳ эмас дардимдан,
Йўқdir хабари бу чехраи зардимдан*.
Дўстлик ҳаки, ол хабар факирдан, эй дўст,
Топмайсан асар йўқса бирор гардимдан.

* Зард — сариқ, сариқлик; сарғайган юз.

185

Куйган юрагимдан йиғди доман юрагинг,
Мен — телбасидан қутулди зотан юрагинг.
Гар қилса вафо умрим, узай дил сендан,
Худди ўзинг узган каби мендан юрагинг.

186

Бул умр баҳор эрка елига қолсин!
Бул дийдами — тоғларни селига қолсин!
Шундай яшаким, кўз юмсанг, ҳайрат қўлинни
Тишламак иши башар элига қолсин!

Эргаи очилов таржималари

www.ziyouz.com
2008